

Саждадаги дуо



11:34 / 03.09.2020 5025

Ассалому алайкум ва раҳматуллоҳи ва барокатуҳ.

«Саждада дуоларни кўпайтиринглар», деб айтилган ҳадисни ўқиган эдим. Саволим шундан иборатки, фарз ва суннат намозлардаги саждаларда ҳам дуо қилса бўладими?

Жавоб: Бисмиллаҳир Роҳманир Роҳийм

Намознинг ичидаги дуода одамлардан сўрайдиган нарсаларни тилаб дуо қилиш жоиз эмас.

«وَدَّعَانِ»: مَلَسُوهُ لِيَصَلَّاق... : لَأَقِيَّ مَلَسَ لِمَكَ خَلَّانِبَ عَوَاعُمُ نَع
رِي بَكَّتْ لَأَوْحِي بَسَّتْ لَأُوهُ أَمَّنْ إِسَّانَ لِمَالَكَ نَمُؤَيْ شَأِي فُخُلْ صَيَّ أَلْأَصَلْ لَأ
دَمَّحْ أَوْ دَوَادُ وَبَأُو مَلَسُمُ هَأَوْر. «نَأَرْقُلْ أَعَأَرْقُو»

Муовия ибн Ҳакам Суламийдан ривоят қилинади:

«...У зот соллаллоҳу алайҳи васаллам: «Албатта, бу намозда одамларнинг каломидан ҳеч нарса мумкин эмас. У фақат тасбеҳ, такбир ва Қуръон қироатидан иборатдир», дедилар».

Муслим, Абу Довуд ва Аҳмад ривоят қилишган.

«Аллоҳим! Менга фалон нарсани ризқ қилиб бергин! Фистончини хотин қилиб бергин» каби дуолар ҳаромдир.

Намознинг ичидаги дуо албатта араб тилида бўлиши шартлигига барча фуқоҳолар иттифоқ қилганлар.

Уламоларимиз: «Саждадаги дуолар нафл намозларида бўлгани яхши», деганлар.

Валлоҳу аълам.

«Зикр аҳлидан сўранг» китобидан олинди